

ՀՀ Արմավիրի մարզի Աղավնատուն
համայնքի ղեկավար Գ. Մաթևոսյանի
2018թ. տարեկան կատարած աշխատանքների

ՀԱՇՎԵՏՎՈՒԹՅՈՒՆ

Մասնակցությամբ՝ ՀՀ Արմավիրի մարզպետարանի աշխատակազմի Տեղական ինքնակառավարման և համայնքային ծառայության հարցերի բաժնի պետ Գոռ Հովհաննիսյանի, համայնքի ավագանու անդամների, համայնքապետարանի աշխատակազմի և «Կրթություն և Մշակույթ» միացյալ տնօրինության աշխատակիցների, համայնքի բնակիչների:

29-01-2019թ. ժամը 15:00

Հայաստանի Հանրապետության Արմավիրի մարզի Աղավնատուն համայնքի ղեկավարը ղեկավարվելով Հայաստանի Հանրապետության Սահմանադրությամբ, նրանից բխող օրենսդրական և ենթօրենսդրական ակտերով, «Տեղական ինքնակառավարման մասին», «Իրավական ակտերի մասին», ՀՀ օրենքներով, համայնքապետարանի աշխատակազմի, ավագանու և համայնքապետարանի ենթակայության հիմնարկների աշխատակիցների միջոցով 2018թ. ընթացքում իրականացրել է իրեն վերապահված իրավասությունների շրջանակներում՝ իր լիազորությունները:

Հիմնական նպատակը՝ համայնքի բնակչության կենսամակարդակի բարձրացումն է, որին հասնելու ճանապարհին սահմանվել են կարևորագույն սոցիալ-տնտեսական խնդիրները, որոնք էլ անհրաժեշտություն է եղել լուծելու 2018թ. ընթացքում: Այդ խնդիրների լուծման համար կարևորագույն պայման է հանդիսացել Արմավիրի մարզպետարանի աշխատակազմի և համայնքի ավագանու ամենօրյա հոգատար վերաբերմունքը և համայնքի խնդիրների լուծմանն աջակից լինելու պատրաստակամությունը, որի արդյունքում արձանագրվել է որոշակի հաջողություններ, որոնք ըստ բնագավառների ներկայացնում են Ձեզ:

ԳՅՈՒԴԱՏՆՏԵՍՈՒԹՅԱՆ ԵՎ ԲՆԱՊԱՀՊԱՆՈՒԹՅԱՆ
ԲՆԱԳԱՎԱՌ

Գյուղատնտեսական տարին անհաջող սկսվեց հողօգտագործողների համար, նախ 2016-2017թթ. ուժգին կարկտահարության բացասական հետևանքը, որը զգացվեց նաև 2018թ. գյուղատնտեսական տարեկվբին, այնուհետև ցրտահարությունը, հետո ուժգին կարկտահարությունները ահռելի վնաս պատճառեցին համայնքի բնակչությանը, այն բացասաբար ազդեց նաև գույքահարկի և հողի հարկի գանձման մակարդակի վրա:

Համայնքապետը աջակցել է համայնքի բնակչության գյուղատնտեսական աշխատանքների իրականացմանը, ինչպես նաև գյուղ. մթերքների իրացմանը:

Հետևողական աշխատանք է տարվել ոռոգման և խմելու ջրի մատակարարման բարելավմանը, ինչպես նաև կազմակերպվել է աշնանացան հացահատիկի բերքահավաքը :

Գյուղն ունի իր առանձնահատկությունները.

Հիմնականում զբաղվում են հողագործությամբ՝ այգեգործությամբ և պտղաբուծությամբ:

Համայնքում կան ոչ շատ քանակությամբ չմշակված հողատարածքներ, որի հիմնական պատճառներն են՝

1. Հողասեփականատերերի բացակայությունը համայնքից
2. Տարիքային պատճառները
3. Հողերի անբերրիությունը

Ուշադրության կենտրոնում է պահվում աճեցրած բերքի իրացման, գյուղատնտեսական մշակաբույսերի վնասատուների դեմ պայքարի աշխատանքները: Համայնքապետարանի ուժերով տարվա ընթացքում մշտապես կատարվել է մոլախոտերի դեմ պայքարի միջոցառումներ, ծախսվել է 188.0 հազ. դրամ Պարբերաբար կատարվում է ներտնտեսային ոռոգման ցանցի մաքրման աշխատանքներ:

Անմիջական հսկողություն է իրականացվում անասնաբուժական ծառայության ոլորտում՝ ժամանակին կատարվում է բոլոր հակահամաճարակային միջոցառումները, կենդանիների հիվանդությունների կանխարգելման ուղղությամբ:

Հետևողական և սխտեմատիկ հսկողություն է սահմանվում հանձնաժողովի կողմից առևտրի, հասարակական սննդի և կենցաղային ծառայությունների ոլորտում գործող օբյեկտների գործունեության վրա: Ներկայումս համայնքում գործում է 11 առևտրի օբյեկտ:

ՀՈՂԱՇԻՆՈՒԹՅԱՆ ԵՎ ՀՈՂՕԳՏԱԳՈՐԾՄԱՆ ԲՆԱԳԱՎԱՌ

Ամենօրյա ուշադրության կենտրոնում է գտնվում և օրենքով սահմանված կարգով վերահսկողություն է իրականացվում հողերի նպատակային օգտագործման, ինչպես նաև ընդերք օգտագործման գործունեություն իրականացնողների ուղղությամբ:

Ամենօրյա աշխատանք է տարվում հողօգտագործողների հետ հողի հարկի, գույքահարկի գծով գոյացած ապառքների հավաքագրման ուղղությամբ: Չնայաց բնական աղետների պատճառած վնասների և սեփական եկամուտների պլանը հաջողվեց կատարվել 90,8%-ով, նախատեսված 21840.0 հազար դրամի դիմաց հավաքագրվեց 19838,8 հազար դրամ, հողի հարկի տարեկան պլանը կատարվել է 49,2 %-ով, գույքահարկը 125,6 %-ով, տեղական տուրքերը 57,9%-ով, ոչ հարկային եկամուտները 145,10 %-ով:

ՔԱՂԱՔԱՇԻՆՈՒԹՅԱՆ ԵՎ ԿՈՄՈՒՆԱԼ ՏՆՏԵՍՈՒԹՅԱՆ ԲՆԱԳԱՎԱՌ

Կառավարության սահմանած կարգով վերահսկողություն է իրականացվում համայնքի քաղաքաշինական գործունեության նկատմամբ:

Քաղաքացիների դիմումների հիման վրա կատարվում է հողամասերի չափագրման և սահմանների ճշգրտման աշխատանքներ, տրվում են ճշտված իրավիճակային հատակագծեր:

Միստեմատիկաբար կատարվում է խմելու ջրի ջրագծերի վթարների հայտնաբերման և վերացման աշխատանքներ:

Սահմանվում է հսկողություն խմելու ջրի որակի, ինչպես նաև վարակազերծման ուղղությամբ:

Միստեմատիկաբար, շաբաթը 2 օր կատարվում է աղբահանություն, համայնքի բյուջեի սեփական միջոցների հաշվին, 2018թ. ընթացքում կատարվել է 822,2 հազար դրամ ծախս:

Ծախսերը կրճատելու համար և սանիտարական մաքրության մակարդակը բարձր պահելու նպատակով ձեռք է բերված մեկ ինքնաթափ բեռնատար ավտոմեքենան գործում է անխափան: Այն օգտագործվում է նաև համայնքի բնակչության կարիքները հոգալու համար:

ՄՇԱԿՈՒՅԹԻ ԵՎ ԵՐԻՏԱՍՐԳՈՒԹՅԱՆ, ԿՐԹՈՒԹՅԱՆ, ԱՌՈՂՋԱՊԱՀՈՒԹՅԱՆ, ՍՊՈՐՏԻ, ՍՈՑԻԱԼԱԿԱՆ ԾԱՌԱՅՈՒԹՅԱՆ ԲՆԱԳԱՎԱՌ

Համայնքում գործում է 1 միջանակարգ դպրոց:

Աշակերտների թիվը 303:

Աշխատողների թիվը՝ 42-ը, որից՝ ուսուցիչներ և վարչական աշխատողներ՝ 31:

Համայնքապետարանի ուշադրության կենտրոնում է դպրոցը:

Կրթության որակը գտնվում է բարձր մակարդակի վրա:

Նախադպրոցական խմբի գործունեության կազմակերպման համար համայնքի բյուջեից տարեկան 2772,0 հազ դրամ դրամաշնորհ է նախատեսվել:

Համայնքապետարանի նախաձեռնությամբ 2018թ. ընթացքում կազմակերպվել է տարբեր միջոցառումներ: Ծախսվել է 1000,0 հազար դրամ գումար:

Մշակույթի տանը տեղավորված է նաև գրադարանը, որը վերանորոգված և կահավորված է, ունի 1145 կտոր գրականություն: Գրադարանը մշակույթի հետ համատեղ կազմակերպել է տարբեր բնույթի միջոցառումներ, գրական ցերեկույթներ:

Մեծ ուշադրություն է դարձվում թոշակառուներին և երիտասարդության հետ տարվող աշխատանքներին՝ նրանց հանգիստը պատշաճ կազմակերպելու նպատակով Մշակույթի տանը գործում է հանգստի խաղասենայկ, որտեղ կազմակերպվում են շախմատի, նարդու, սեղանի, խաղերի մրցումներ:

Համայնքում կազմակերպվել է տարբեր միջոցառումներ, մշտապես ծաղկեպսակներ է դրվել << Բոլոր ժամանակներում գոհված Աղավնատունցիների >> հուշարձան համալիրին, ծախսվել է 9800,0 հազ դրամ:

Ուշադրության կենտրոնում է գտնվում սպորտի զարգացումը, գործում է կարատեի և մարտեր առանց կանոնների խմբակները:

Համայնքապետի ամենօրյա ուշադրության կենտրոնում է նաև առողջապահության ոլորտը: Աջակցություն է ցուցաբերվում համայնքի սանիտարահիգիենիկ վիճակի բարելավմանը, հակահամաճարակային միջոցառումների իրականացմանը:

Համայնքի բնակչության բուժ. սպասարկումը գտնվում է բարձր մակարդակի վրա:

Համայնքում գործում է «Խնամակալության և հոգաբարձության» հանձնաժողով, որի հիմնական խնդիրը անգործունակ կամ սահմանափակ գործունակ քաղաքացիների, անչափահասների իրավունքների և շահերի պաշտպանության ապահովումն է, ընտանիքում ապրելու և դաստիարակվելու երեխայի իրավունքի ապահովումը:

Ուշադրության կենտրոնում է գտնվում զոհված ազատամարտիկների և սոցիալապես անապահովների ընտանիքները, որոնց մշտապես ցուցաբերվում է դրամական օգնություն: 2018թ. ընթացքում համայնքի շուրջ 84 սոցիալապես անապահով ընտանիքների, նորածին երեխաների մայրերի և մահացածների ընտանիքների տրվել է դրամական օգնություն 2185,0 հազ. դրամ:

Համայնքում հաշվառված են ընդամենը՝ 370 թոշակառուներ, այդ թվում 245 ծերության և աշխատանքային , 2-ը՝ կերակրողը կորցնողի, 123-ը՝ հաշմանդամության: Նպաստառու ընտանիքների թիվը կազմում է 86 : Թոշակները և նպաստները տրվում են ժամանակին:

Համայնքում 100% հասանելիություն ունի և գործում է բջջային ՄՏՍ-Հայաստան, Յուրբոն և «Վեոն Արմենիա» օպերատորները:

Համայնքում բարձր է պատասխանատվությունը գորակոչի նկատմամբ: Ջորակոչից խուսափողներ չկան, 2018թ. գորակոչվել է 23 գորակոչիկ:

2018 թվականի ընթացքում համայնքում կատարվել է զգալի աշխատանքներ՝ մասնավորապես.

«Մաքուր Հայաստան» ծրագրի շրջանակներում երեք անգամ կատարվել է համայնքի աղբավայրի մաքրման հողալցման աշխատանքներ, այդ նպատակով կատարվել է 650,0 հազար դրամ ծախս, մաքրվել է համայնքի դպրոցի, բուժ. ամբուլատորիայի, համայնքապետարանի, մշակույթի տան ինչպես նաև պատմամշակութային հուշարձանների տարածքները և շրջակայքը:

Կատարվել է համայնքի դաշտամիջյան ճանապարհների փոսալցումներ և հարթեցումներ Ն. Մաթևոսյան պողոտայի մայրերի բարեկարգում, որի վրա ծախսվել է 6971,0 հազար դրամ: Ձեռք է բերվել մետաղական խողովակներ, դաշտամիջյան ճանապարհների և համայնքի փողոցների խաչներուկներով անցնող առուներում տեղադրելու համար 264,0 հազար դրամ արժեքով:

Համայնքի տնտեսությունների թիվը՝ 896, բնակչության թիվը՝ 3697 մարդ, գյուղատնտեսության մեջ զբաղվում են՝ 1636 մարդ:

2018թվականի ընթացքում համայնքում ծնվել է 37 երեխա:

ՖԻՆԱՆՍԱԿԱՆ ԲՆԱԳԱՎԱՌ

2017թ. ընթացքում տարեկան կտրվածքով հավաքագրվել է եկամուտներ՝

N	անվանումը	հազար դրամ		
		պլան տարեկան	Փաստացի տարեկան կատարողական %	
1	հողի հարկ	9700.0	4768.2	49.2
2	գույքահարկ	7850.0	9861.8	125.6
3	տեղական տուրքեր	440.0	254.6	57.9
4	տեղական վճար	1350.0	1206.2	89.4
5	ոչ հարկային եկամուտներ	2500.0	3628.2	145.1
6	պետ. բյուջեից տրամադրվող դոտացիա	60187.2	60187.2	100.0
7	հողի օտարումից մուտքեր	-	342.9	-
8	այլ աղբյուրներից տրանսֆ.	-	-	-
9	այլ որ հարկային եկամուտներ	-	119.8	-
10	ընդամենը վարչական բյուջե	82027.2	80026.0	97.6
11	տարեսկզբի ազատ մնացորդ	18920.0	18920.0	-
Ընդամենը		100947.2	99288.9	98.4

2018թ. ընթացքում տարեկան կտրվածքով կատարվել է ծախսեր հետևյալ ուղղություններով՝

N	ծախսերի անվանումը	հազար դրամ		
		պլան տարեկան	փաստացի տարեկան	կատարողական %
1	տեղական ինքնակառավարում	36025.0	33487.8	92.9
2	Համայնք. այլ ծառ.	15802.2	14965.3	94.7
3	աղբահանություն	1000.0	822.2	82.2
4	մշակույթ և ուղ. հեռ. հաղ.	14500.0	13200.3	91.0
5	կրթություն	2800.0	2772.0	99.0
6	Արտաքին լուսավորում	900.0	912.0	90.2
7	Սոց. օգնություն	2500.0	2185.0	87.4
8	Գյուղատնտեսություն	1000.0	954.6	95.5
9	Ճանապարհների վերանորոգում	7500.0	6971.0	92.9
10	պահուստային ֆոնդ	0	0	0
11	ֆոնդային բյուջե	18920.0	5428.5	28.7
	Ընդամենը	100947.2	81598.7	808

«Քարացիների առաջարկությունների, դիմումների և բողոքների քննարկման կարգի մասին» ՀՀ օրենքի 7-րդ հոդվածի պահանջի համաձայն, Աղավնատան համայնքապետարանում 2018թ. ընթացքում ստացվել է 78 դիմում:

Դիմումներում բարձրացվել են սոցիալական, ֆինանսական, հողային, շինարարության և այլ բնույթի հարցեր, որորնք սահմանված կարգով քննարկվել են և տրվել են պատշաճ լուծումներ:

Ընթացիկ ժամանակահատվածում համայնքապետարանում ստացվել են 335 գրություն, հղվել է 284 պաշտոնական գրություն, քաղաքացիներին տրվել է 489 տեղեկանքներ:

Տրվել է համայնքի ղեկավարի 23 կարգադրություն և կայացվել է համայնքի ղեկավարի 20 որոշում:

2018թ. ընթացքում համայնքապետարանի աշխատակիցների փաստացի թվաքանակը կազմել է 13 մարդ, որից 7-ը համայնքային ծառայողներ, 5-ը սպասարկող և տեխնիկական աշխատողներ, «Կրթություն և Մշակույթ միացյալ տնօրինության» աշխատակիցների թվաքանակը 9 մարդ է:

2018թ ընթացքում աշխատավարձի պարտքեր չկան:

2018թ. ընթացքում համայնքի ավագանին գումարել է 10 նիստ, որտեղ քննարկվել են համայնքի խնդիրներին վերաբերվող տարբեր բնույթի հարցեր, և կայացվել են 63 որոշումներ:

**ԱՂԱՎՆԱՏՈՆ ՀԱՄԱՅՆՔԻ ԱՌԱՋՆԱՅԻՆ ԵՎ ՀԱՄԱՅՆՔԻ
ՀԱՄԱՐ ԳԼԽԱՎՈՐ ՀԻՄՆԱԽՆԴԻՐՆԵՐԸ**

1. Միջհամայնքային ճանապարհների ասֆալտապատում՝ (Աղավնատուն-Հովտամեջ 6 կմ):
2. Մանկապարտեզի շենքի կառուցում:
3. Համայնքի փողոցների ցերեկային լուսավորության և հենասյունների կառուցում:
4. Համայնքի Մշակույթի տան գազաֆիկացում, ջեռուցման համակարգի կառուցում:
5. Ոռոգման ցանցի ջրատարների վերակառուցում (կիսախողովակներ):
6. Վերամշակող գործարանի կառուցում:

Համայնքի ղեկավար՝

Գ. Մաթևոսյան